

RELATIO  
de Augustis Exequijs  
*SERENISSIMÆ DOMINÆ*  
**ANNÆ**  
PRINCIPIS SVECIÆ  
felicis memoriæ,  
Thorunii Borussorum  
*a. d. xv. mens. Iulij*  
*Ann. M. IOC. XXXVL*  
celebratis.

---

THORVNII, Apud FRANCISCUM Schnellholz. V

E XII.163 Bernadki



Vm Inuicta Potentissimi Poloniæ Sueciæque Regis  
**V L A D I S L A I IV.**  
Maiestas Serenissimæ Principis  
**A N N Æ**, Amitæ benemerentissimæ, Exequijs diem xvi. mensis Iulij anni  
huius M. DC. XXXVI. destinasset, ac Legatum  
hac de re cum autoritate Celsissimum  
Principem **CHRISTOPHORVM RADZIVILIVM**  
Palatinum Vilnensem , cuius heroica grauitas  
& dexteritas insignis hic quoq; enituit, Illustris-  
simiq; simul nominis Viros **ANDREAM REY**  
Libussiensem & **SIGISMUNDVM** Baronem  
**GULDENSTERNIVM** Stumensem Præfectos  
nominasset, dicta die ante horam viii. mane in  
templis Euangelicorum, id quod & ad D. Johannis  
postea factum est , campanarum sono  
hora Funoris indicata fuit , adeò ut nona ad vil-

lam suburbanam, in quam Brodnicio siue Strasburgore reliquiæ Heroinæ fuerant allatae, omnium Ordinum homines magno numero confluxerint.

Illæ antequam loco mouerentur Reuerendus & Clarissimus Vir Petrus Czimerman-nus, Pastor Thoruniensis & Gymnasii Rector, sermone Germanico elegantissimam concio-nem apte;q; ad rei dignitatem & decorè habuit; cantu prius voce viua & instrumentorum sua-uitate à Musicis exhibito.

Postquam dixerat, hoc ordine ac ritu pro-cedebatur:

Pubes Scholaistica Veteris Nouæq; Vrbis cum Magistris anteibat: Ciuium præcipui, vt à Sena-tu constitutum fuerat, quingenti aut circiter, sequebantur. Musicorum tertia series erat; Pastorum quarta, indigenarum pariter & ex-ternorum instar centum. Currum funebrem Magnifici aliquot ex Equestri ordine Viri Przypcouius, Sienicius, Pakoslauius, Kochan-scius

scius aliiq; obseruabant,& metatoria quasi dili-  
gentia cū Vrbanorū nonnullis viam designabāt.

Currum illum cum Exuuiis Augustalibus  
sex equi trahebant tecti candido bonæq; notæ  
panno, cui insignia incliti Sueciæ Regni acu pi-  
cta in serico candido, assuta erant. At currum  
textile ex argento filis auratis distincto artis  
Phrygiæ stragulum ambiebat. In sublimi eius  
adeoq; opertorio sarcofagi puluinar texturæ ar-  
genteæ recumbebat, in angulo quolibet corolla  
non floribus natiuis magis quam gemmarum  
rariorum splendore & insertis distincta pretio-  
sissimis, in medio verò diademate exornatum.

Operimentum limbum quatuor ac viginti  
generosissimæ Virginum leuabant, cyclade can-  
dida è bombycino velatæ, caputq; demissis su-  
per humeros coloris eiusdem calanticis & viri-  
dibus ex rore marino ( siue libanotis coronaria  
placet ) sertis redimitæ, spectaculo longè pul-  
cherrimo, quodque oculos in se omnium con-  
uertebat.

Designanda verò ordine sunt Illustrium  
Puellarum nomina :

D O M I N A .

<i>Castellani Lublinensis F.</i>	<i>Ostrouia.</i>
<i>Succamerarij Calissiensis F.</i>	<i>Soror eius.</i>
<i>Libussiensis Capnei F.</i>	<i>Piecouia.</i>
<i>Soror eius.</i>	<i>Balinscia.</i>
<i>Latalscia.</i>	<i>Wierzbouia.</i>
<i>Orzechouia.</i>	<i>Bartlinscia.</i>
<i>Sieninscia.</i>	<i>Soror eius.</i>
<i>Spincovia.</i>	<i>Siostrzetoia.</i>
<i>Kasseuia.</i>	<i>Magnusseuia.</i>
<i>Potocia.</i>	<i>Tarnauiecia.</i>
<i>Strzlecia.</i>	<i>Kozinscia.</i>
<i>Soror eius.</i>	<i>Ziemiecia.</i>

Latus earum vtrimeque triginta Juuenes Eque-  
stris familiæ tegebant, cucullos candidos induti, & ce-  
reos itidem candidos gestantes.

Illi sunt :

D O M I N U S .

<i>Vladislaus Palatinides Belsenfis.</i>
<i>Florianus Słupcius Castellanid. Lublinens.</i>
<i>Andreas Rey ljunior.</i>
<i>Frater eius Nicolaus.</i>
<i>Vladislaus Miękicius.</i>
<i>Adamus Miękicius.</i>

Bu-

Buczacius.	Adamus Zychlinius.
Vladislaus Latalscius.	Ioannes Zychlinius.
Latalscius alter.	Twardouius.
Schlichtingius.	Iarochouius.
Abramouicius Filius Palati- nidis Smolensciensis.	Brostouius.
Stanislaus Iafmanicius.	Ziemecius.
Raphael Iafmanicius.	Iawgielius.
Holowczynius.	Gadkouius,
Kornatouius.	Pogorzelscius.
Kasseius.	Gibouius.
Sofnicius.	Lubouius.
Zlotnicius.	Karczeuius.

Sarcofagum prosequabantur:

Celissimus Princeps Christophorus Radziuilius Palatinus Vilnensis Legatus Regius. Huic Celissimi Principes Joannes Christianus Dux Silesius Lignicensis & Bregensis dextram, lauam Fridericus Princeps Anhaltinus tegebāt.

Illustrius Palatinus Culmensis, Serenissimorum Poloniæ Sueciæq; Principum Legatus; quem Celissimi Principes Bregenses Juniores, à dextra Ludouicus, Christianus à laua comitabantur.

Illustris Capneus Starodembscius, Legatus  
Serenissimæ Principis Poloniæ Sororis Regiæ,  
ac iuxtim eunes Celsissimus Princeps Bogus-  
laus Radziuilius & Illustris Capneus Radzineñ.

Hinc Illustrissimæ Nobilissimæq; Matronæ & qui illas de-  
ducebant Illustrissimi, Illustres, Magnifici, Amplissimique Virti,  
hac continuatione progrediebantur:

Dominus.

Domina.

Dominus.

Andreas Palati- Palatina Woliniensis, Capneus Vrzedouien.  
nides Belsenfis.

Capneus Pilsmiensis. Castellana Lubli- Iohannes Schlichtin-  
nenfis. gius Iudec territo-  
ry Fraustadiensis.

Succamerarius Ha- Meseritien. Ca-  
liciensis. stellana.  
Dapifer Brestensis.

Capneus Strasburg. Nakelscia Castellan. Marcus Rey.

Raphael Przyemscius. Succameraria Calissiensis.

Iarossius Bronieuius. Succamer. Haliciens. Christophor. Potocius.  
Pref. Excub. Magni Firleia. Zbascius.

Duc. Lith.

Brestensis Tribunus. Orzechouia.

Zbascius alter.

Christophorus Rey. Reyia.

Ianus Bronieuius.

Praefectus Salinaru Zbascia.

Dapifer Polocensis.

Polonia Maioris.

SubIudec Culmenfis. Niemierziczuia.

Twardouius Regi  
à Secretis.

Zie.

Ziemecius.  
Karczeuius.  
Przesiouius.  
Gondecius.

Schlichtingia.  
Miękicia.  
Bronienia.  
Strzelecia.

Miękicius.  
Golebieuius.  
Pleßcus Eq. Gallus.  
Dorponius.

Has sequebantur Piecouia , Twardowia,  
Ostrowia, Bartlinscia , ad quarum latus simul  
procedebant Burgrabius Regius, ProConsul  
Præsidens, cæteriq; Proconsules cum nonnullis  
Consularium Seniorum Ciuitatis Thorun.

Pone alii Nobilium subibant ac Consules  
Thorunienses reliqui, vnà cum Minoribus Ve-  
teris Nouæq; Vrbis Magistratibus: post præci-  
puæ Matronarum Vrbicarum; inde Ciues ipsi  
ac Tribus & corpora artificum atq; incolarum:  
tandem Fœminæ illorum binæ ac binæ, latera  
procedentium ministris varii generis ac ordinis  
agmine conferto stipantibus.

Feretrum ad fores templi traductum Spe-  
ctatissimus Thoruniensium Senatus statim su-  
biit, manibusq; suis ædi sacræ intulit. Genero-  
fiss. Capneus Libussiensis puluinar diadema,  
qua-

quatuorque corollas sustinens ad pegma, quod  
Castrum doloris vocitant, primùm, hinc ad mo-  
numentum usque transportauit. Pegma ipsum  
tribus gradibus suffultum, ac panno pretiosiore  
opertum, stragula argentea quæ capulum ante  
occultauerat obtendebatur. Huic cineres  
Principis Beatissimæ & puluinar imponebātur.  
Supra, siparium ex filis argenteis, opere raro,  
funibus sericeis expansum erat. Odeum tem-  
pli siue chorus & suggestus sacer panno candi-  
do vestiebantur. Inferius pegmatis tabulatum  
Puellæ quarum nomina dudum retulimus insi-  
debant; adstantibus qui ante ipsis aderant ge-  
nerosis Juuenibus. Lessu musico & canticis  
aliquandiu protractis, lingua Polonica oratio-  
nem funebrem Præstantissimus raræque facun-  
diæ Vir Paulus Orlicius habuit.

Hoc absoluto, & canticis ac campanarum  
pulsu rursum perstrepentibus, arcam feralem  
Illustrissimi Domini Palatini Vilnensis & Cul-  
mensis, Magnificus Starodemscius, Capitiique  
ac

ac Officiales alii, aulæ item Regiæ Familiares de  
machina in marmoratam ædiculam funebrem  
intulerunt, & exuuias felices , resurrectionem  
nunc illic expectantes , capulo stanneo inanda-  
runt , diadematè super tumulum marmoreum,  
supinam Principis imaginem ex alabastrite  
laxo coloris candidissimi sustinentem , in tholo  
testudinis suspenso.

Justæ exequiarum & ceremonias sermo tan-  
dem sine reuerentia nunquam nominandi He-  
rois Palatini Vilnensis finiebat , quo omnibus  
ac singulis , ex vtroque sexu totam templi exe-  
dram replentium , ob supremum hoc munus  
Incomparabilis Optimæque Principis honori  
præstitum gratias agebat, eosque ad epulas pa-  
rentales inuitabat, additis verbis humanissimis,  
se de tam pio erga Manes beatos officio , de  
amore tanto ac fide aduersus Victoriosissimum  
Clementissimumque Regem apud ipsum rela-  
turum.

Cœ-

Cœnantibus hospitium Curia præbuit, ap-  
paratu Illustrissimi præsertim Baronis Gülden-  
sternii cura & dexteritate in atrio maiori deli-  
cate facto, dapibusque ita præbitis, vt ne-  
mo non satisfactum sibi  
fateretur.

